

CHARELLA LOPES:

UN HOBENCITA TALENTOSO Y CU HOPI POTENCIAL!

Charella Lopes un hobencita cu tin apenas 10 aña ya caba tin varios hit pega na Radio local como di afor.

Charella ta bini di un famia hopi talentoso y no ta por nada cu Charella tin e talento den dje.

E ultimo cancion di Charella hunto cu La Nueva Creacion ta un tremendo tema cu un ritmo pegahoso manera e famoso Reggaeton cu a pega pa e ultimo 3 añanan na Aruba.

Charella ta muestra di ta bayendo cu full speed ariba den e mundo farandulero y nada straño cu Charella lo por logra hopi den e mundo artistico.

Tur hende na Aruba por a mira cu Charella di chiquito caba a muestra di ta un mucha talentoso pero e tabata tine scondi como cu nunca e no a echt canta of haci un of otro presentacion.

Cu apenas un aña den e mundo farandulero, Charella a cosecha exito tras di otro y su carisma a hiba e hobencita akin a para na hitnan number uno. Cecelito Lopes un persona asina conoci den e mundo di farandula a pasa parti di su talento pa su yiu muher Charella.

PR: Cual tabata e prome cancion cu bo a canta ?

RS: "Cushina di Mami"

PR: Semper bo a gusta canta ?

RS: "Si, pero den prome instante mi a bisa mi tata cu mi no ta interesa den canta pero despues mi a cambia di opinion y awor mi ta canta"

PR: Dicon bo no kier a canta?

RS: "Pasobra mi a sinta pensa y mi no a haya un motibo pakico no bay canta y mi tabata gusta canta"

PR: Bo no ta haya miedo di canta dilanti di un publico ?

RS: "Mi no tin miedo pasobra mi ta hari y mi ta dijs keda canta, mi no ta muestra ningun hende cu mi tin miedo"

PR: bo ta gusta baila tambe ?

RS: "Mi ta gusta canta baila y modela cu ta pone cu e cosnan ta bay mas facil pa mi"

PR: Bo ta gusta bo cancion nobo ?

RS: "Mi ta gusta hopi mes y mas ainda cu mi ta canta cu hobennan cu ta talentoso y ta canta bunita"

PR: Bo a sinti bon cantando cu e hobennan di La Nueva Creacion ?

RS: "Mi ta sinti mi hopi bon cu nan no ta laga mi sinti malo pasobra mi tam as chiquito cu nan of

nan tin mas tempo cantando cu mi “

PR: Cuanto cancion bo tin cu bo a canta ?

RS: “ Mi tin varios cancion caba cu mi a canta y e ultimo aki ta un cambio pasobra e ta un reggaeton cu e grupo di momento cu ta La Nueva Creacion”

PR: Cual school bo ta bay ?

RS: “ Colegio Pastoor Kranwinkel y mi ta den vierde klas “

PR: Bo tin deseo special special pa e hubentud?

RS: “ Mi lo kier pa nan canta sin an ta gusta esaki y no tene miedo di haci algo bon sib o tin talento pe “



D'Angelo Mode

Pronto na Aruba- Keda pendiente.....